

日清閣以行之也行之十四年亦超得虛無能死能生出水入火上登三清五藏生華與天相傾

其昇玄羽經上卷也行之三週一月九日蓋亦人間未及大靜之時若長齋久靜單景獨往仰秀空洞心單事外者皆宜此日行之以次相續也一月九行施於人中耳

八節昇斗中又存思忽見斗中玉妃在我前坐玉妃坐紫煙入我心中良久其衣服如八節所祝此女子是九精之陰靈玉清之上妃也出青童口訣

洞真太上飛行羽經九真昇玄上記

洞真太上太霄琅書卷之一

紫微夫人撰

瓊文帝章

雲務子者蓋元皇玉虛之胤太帝之中子也抱瓊胎於玉房結雲精於金門合日月於紫胞瓊洪露以凝神鍊胎息以推運任歷劫以轉輪化生於元氏告陽道以成真於是上皇元年三月一日天暉啓晨誕於九玄之上寶耀元童之天親太陽於雲崖曜金容於瓊軒順皇基於帝圖法玉秀於自然濯以九靈之暉確以甘香玉泉飲以靈妃皇芝哺以九鍊飛霜神龍翼其側瓊鳳極其顛紫煙生于上流光鬱于隣二象抗其綱三晨協其具神州歌其妙七轉變其神靈風迅其軀迴香塗其塵蕭蕭太虛之上靡靡同波之濱年冠二九思微念玄適性理運任時推遷不慕皇道遺逸中原遊娛太霄徘徊紫天流盼歷劫得趣忘旋運非我制提探上仙逸名書帝簡位登太真三元下教贈爵皇為於時受命朝禮玉天上登九玄之臺大有之宮紫鳳玉京七寶

左

珠房於明霞之館清齋玉軒靈瑞告感項負圓光夜照神燭自明瓊堂於是虛皇道君於空洞之上玄虛之中以太霄琅書瓊文帝章降授於君是時天光冥達三晨迴精五宿啟度七元運靈九色晃曜煥絡玉清飛煙紫鬱波漫八冥玉陛登階萬帝臨庭飛仙羽蓋輔翼太真仙童玉女各三千人執巾散香流芳掃塵於是命駕檄召五靈飛霄迴輪乘空絡煙神鳳挺鸞靈妃導仙明皇啓路三道合明流電揚精逸駕九玄遊眇瓊闕宴景三元盤徊玉霄適肆紫晨於是披琅書於无崖誦帝章於碧雲理宿根於玉訣撒威靈於瓊文唱妙曲於空洞精靜念於玉軒理二儀於玄圖掌帝錄於萬仙總地司於五嶽領上具於三闕上統无崖下攝洞源自天以下莫不咸諫於太真神非可測化不可名近難可論遠不可尋清難可滓混難可澄微乎妙哉斯至德之帝靈絕乎高尊也

太霄琅書乃九天王飛霄之由瓊文帝章乃九天之上並以元始之初生於自然空洞之

中虛皇玉帝受之於九玄於是天王仍記名焉鑄金為簡刻玉結篇金縷玉宇以明寶文秘於九天之上大有之官西華玉女金晨玉童各三千人侍衛典香如是九帝上聖一月日悉三登玉階朝宴神真運周萬劫傳於太真王其道高妙象經之宗神挺奇秀精冠九天玉惠虛朗洞趣入玄自非上真之士不得參聞皆授已成真人不傳於中仙也太霄琅書乃九天王飛霄之曲瓊文帝章乃高靈玄映之道九天之精洞監於萬悉總統於衆經。

凡修大洞三十九章徊風混合帝一之遠雌一玉檢五老寶經解釋宿根拔度七玄而无此文則九天王不納其音九悉錯綜神真不歡天魔侵景萬試來干思不徹微天不啓關凡修衆經以瓊文為先誦詠寂室靜慶霞庭通暢九霄整結上玄令玉宮駭聽萬真臨軒羣魔伏袂萬試敢前隨意所修乃得道真萬遍道備騰身太清要訣不煩正在此經精心苦行剋上仙也

雲務子不修他道受虛皇道君太霄琅書瓊

文帝章於九霄之上歌詠妙篇遊娛通肆感暢神真致三元下教位登太真王以傳太華真人三天長生君太和真人太華老子南極總司禁君西臺中侯北帝中真九靈王子太靈真妃赤精玉童玄谷先生南嶽赤松中山王喬紫陽真人西城王君中皇先生趙伯玄山仲宗等一十八人並修此道面發金容項負圓光乘空登霄遊宴紫庭變化萬方適意翱翔彌命立到微召萬靈攝制羣魔決斷死生駕霄乘煙出入帝庭皆由瓊文以致上真。

王君今封一通於西城山中宿有金名帝簡綠字紫清合真之人當得此文得者寶秘勿妄輕傳洩露靈篇九祖被考充責鬼官長閉地獄萬劫不原

九天元始號

上第一天名鬱單无量天天上又別置三天之號九天丈人治於无量天去第二天二十四萬里其天上人壽九百萬歲如世間五百歲天有四玉帝君常以月一日三日九日遣玉晨使者履行天下有修學上道佩太霄琅

書檢慎法戒名書帝錄得同无量天人之壽有犯科違律為四司所糾考屬左右三官至此日當清齋平旦入室誦无量天太霄琅書瓊文一遍則玉晨使者奏于天王記名於青宮九年得乘太霄瓊輪上昇无量之天。

第二天名上上禪善无量壽天天上又別置三天之號悉隸於无量壽天九天真王治於无量壽天去第三天四千六百萬里其天人壽三十六百萬歲如世間人壽一千歲天中有四天帝王常以月七日十日十一日遣領真侍仙復行天下有精修上道佩太霄琅書齋戒誦經不犯於科名書帝簡紫字上清者得同无量壽天人之壽有犯科違律四司所糾考屬左右三官至此日當清齋平旦入室誦无量壽天太霄琅書瓊文一遍則侍仙奏于於天王記名於青宮九年得乘太霄飛輪上昇无量壽天

第三天名梵監天一名須延天天上又別置三天之號隸於梵監天元始天王治於梵監天去第四天六百七十二萬里其天人壽一

億五千二百萬歲世間二千歲天中有四帝  
真王常以月二日四日十三日遣主仙王郎履  
行天下有精修上道佩太霄瓊書齋戒誦經  
不犯於科名書帝錄者得同梵監天人之壽  
有犯科違禁四司所糾考屬左右三官至此  
日清齋平旦入室誦梵監天太霄瓊書瓊文  
一遍則主仙王郎奏于於天王記名於青宮  
九年得乘太霄飛輪上昇梵監天

第四天名堯術天一名寂然天天上又別置三  
天之號皆隸於堯術天元始天王所治堯術  
天去第五天千二百四十萬里其天人壽六  
億八百萬歲如世間四千歲天中有四天元  
王常以月五日十二日十六日遣定仙玉真  
下履行天下有精修上道佩太霄瓊書齋戒  
誦經不犯天禁名書帝圖者得同堯術天人  
之壽有違科犯禁四司所糾考屬左右三官  
至此日當清齋平旦入室誦堯術天太霄瓊  
書瓊文一遍則玉真奏于於元王記名於東  
華九千得乘太霄瓊輪上昇堯術天  
第五天名不驕樂天一名波羅尼密天天上

又別置三天之號皆隸於不驕樂天高上元  
皇所治不驕樂天去第六天三千六百八十  
萬里其天人壽二十三億四千萬歲如世間  
八千歲天中有四天統真王常以月十四日  
十七日十九日遣中真使者履行天下有精  
修上道佩太霄瓊書齋戒誦經不犯科禁名  
書帝圖者得同不驕樂天人之壽有犯科違  
禁四司所糾考屬左右三官至此日當清齋  
入室誦不驕樂天太霄瓊書瓊文一遍則中  
真使者奏于於四天王記名於東華宮九年  
得乘太霄瓊輪上昇不驕樂天

第六天名化應聲天一名他化自在天天上  
又別置三天之號皆隸於化應聲天虛皇玉  
帝所治應聲天去第七天五千三百八十四  
萬里天人壽九十二萬億一千六百萬歲如  
世間六千歲天中有天寶帝王常以月十八  
日二十日二十三日遣萬石使者履行天下  
有精勤好尚佩太霄瓊書齋戒誦經不犯科  
禁名書帝圖者得同化應聲天人之壽有犯  
科違禁四司所糾考屬左右三官至此日當

清齋入室誦化應聲天太霄瓊書瓊文一遍  
則萬石使者奏于於天寶帝王記名於東華  
宮九年得乘太霄瓊輪上昇化應聲天  
第七天名梵寶天一名波羅尼邪拔致天天  
又別置三天之號皆隸於梵寶天萬始先生

所治梵寶天去第八天五百二十萬里其天  
人壽七劫如世間五千年天中有四天高上  
帝王常以月二十一日二十四日二十七日  
遣監真使者履行天下有精心苦行動修上  
道齋戒誦經不犯天科名書帝簡者得同梵  
寶天人之壽有犯科違禁四司所糾考屬左  
右二官至此日當清齋入室誦梵寶天太霄  
瓊書瓊文一遍則監真使者奏于於高上帝  
王記名於東華宮九年得乘太霄瓊輪上昇  
梵寶天

第八天名梵摩迦天一名梵眾天天上又  
別置三天之號皆隸於梵眾天紫虛帝君所  
治梵摩迦天去第九天六百八十萬里其  
天人壽二劫如世間千五百歲天中有四大  
明真王常以月二十六日二十八日二十九

日造羽仙使者履行天下有精心苦行修齋誦經不犯科禁名各青官得同梵摩迦夷天人之壽有行惡犯科違戒為四司所糾考屬左右三官至其日當清齋入室誦梵摩迦夷天太霄琅書瓊文一遍則羽仙使者奏于於大明真王列名於東華官九年得乘太霄瓊輪上昇梵摩迦夷天

第九天名波梨答怒天一名大梵天去下五百億二十萬里其天別置三天之號皆隸於大梵天也太具王治於波梨答怒天其天人壽四劫如世間二千五百年天中有五帝王常以月一日十五日三十日遣領仙使者履行天下有修齋戒整束法服誦經精思不犯天科名書帝錄者得同波梨答怒天人之壽有行惡犯科為四司所糾考屬左右三官至其日當清齋入室誦波梨答怒天太霄琅書瓊文一遍則領仙使者奏于於五帝記名於東華官九年得乘太霄瓊輪上昇波梨答怒天此九天是始炁之精炁真帝皇所治其天別置三天三天者皆是九天之別號合三十六

天也宮室官司悉有次第其外有諸梵天名皆以九天支幹悉係屬於九天王也九天又各有一天王非帝王之號皆處九天上修行上道求仙度世宜知天王諱字知者九天別名玄以紫炁覆履其身神兵衛已令得九天秘書壽同九天之數得者寶靈長官三人死入九幽地獄考掠萬劫不原慎之

第一鬱單元量天王姓混諱霽霧衣九色无縫自然斑文之表頭帶耀精日圓治天元暎玄臺紫戶之內左右侍真玉女九萬人  
第二上上禪善无量壽天王姓禪諱霽霧霸衣九色自成雲文之表頭戴暎精月光治天玉國朱林七寶瓊臺左右侍真玉女七萬人  
第三須延天王姓諱霽霧靈衣九色三法雲文之表頭戴天元寶明治天玉京靈都宮左右侍真玉女九萬人  
第四寂然天王姓諱霽霧震衣七色龍文通光之表頭戴陰精夜光治天朱官瓊臺之上左右侍真玉女六萬人  
第五不驕樂天王姓諱霽霧霍衣九色飛

霜雲文斑表頭戴青華歲星玄精治天元暎丹房九層玉臺左右侍真玉女七萬人  
第六化應聲天王姓諱霽霧靈衣九色流光輝雲錦表頭戴白光太白玉精治天瓊林上宮朱暎之房左右侍真玉女六萬人

第七梵寶天王姓諱霽霧雲霧衣九色流雲飛履之表頭戴流丹絳寶靈星玄精治天南上七暎之宮左右侍真玉女八萬人  
第八梵摩迦夷天王姓玄諱霽霧衣九色无縫飛雲之表頭戴玄辰辰星流精治天九玄鳳城紫瓊玉臺左右侍真玉女五萬人  
第九波梨答怒天王姓王諱霽霧衣九色无縫玄雲寶表頭戴无極流黃鎮星飛精治天陵層玉京大有妙宮九曲之房左右侍真玉女九萬人

九天九王萬炁之本宗衆帝之先祖乃九炁之精源以天地未凝三景未明結自然而生於空洞之內溟滓之中歷九萬劫而分炁各治置立九天日月星辰於是而明萬炁流演結成道真元始上皇高上玉虛並生始天之



中三十九帝二十四真遂有宮闕次序之官  
 上皇寶經皆結自然之章以行長生之道不  
 死之方符章玉訣皆起於九天之王傳於世  
 代之真至三五改運九靈應期後聖九玄道  
 君推校本元以歷九萬億九千累劫上皇典  
 格多不相參道君以中皇元年九月一日於  
 玉天瓊房金闕上宮命東華青宮專備仰之  
 格錄校古文改定撰集靈篇為寶經三百  
 卷以付上相青童君使傳後學玉名合真之  
 人凡學求仙不知道之所出寶訣所生投闈  
 而學无有祖宗真不為降道亦不行諸欲求  
 仙當尋九天之根得其本元道无不備仙无  
 不成也但九天王祕諱藏於九天之上大有  
 之宮不傳於下世有玄名帝圖金字上清推  
 運遇會得知九天王名天王即造玉童十二人  
 玉女九人侍衛兆身依科清齋九十日或九  
 日齋上金九兩紫紋九十尺以誓九天之信  
 師然後而盟傳不輕泄至靈考延七祖長充  
 鬼役負石運山身沒三官萬不得仙  
 鬻單无量天王太霄琅書瓊文第一

太霄空洞炁	結炁成雲營
我玉挺神匠	有化若無形
无形中有真	有真無中生
眇莽玄虛上	蕭蕭元始精
法景朗妙覺	玄運來相征
列宿羅玉宇	飛霞超綠瓊
煙落三辰曜	流光鬱紫清
攜杵玉景臺	解懸戲鳳城
迴霄登九嶺	以啓不窮齡
誰能同此遊	可來專余名
余名甚易知	安在東華庭
自可朝玄都	精微思帝靈
素去雲外念	專一守黃寧
披誦太霄章	三關自當明
玄降徘徊華	虛遣飛霞軒
九天雖之遐	妙想安爾形

上上禪善无量壽天王太霄琅書瓊文第二

三晨告元始	運通自來綬
巨變明霞上	流精耀玉枝
顧盼无中有	混合似嬰兒
父寧與母精	道遙戲鳳臺
落景遊雲房	獨妙誰能知
合慶離羅門	解襪紫霄崖
若欲相尋索	精研琅書辭
迴轉瓊文章	天王自當之
洞存帝一尊	以為求仙基
絕念棄外想	常使心神爽
積感致真降	鬱然煥羽儀
拔度七祖根	咸同登雲階
玉童映高靈	瓊文難尋思
二妙以相和	各稱本不齊
子欲戲九玄	但誦太霄詩
萬劫在俄頃	勿愛天應遲

梵監天王太霄琅書瓊文第三

靈風迅奇香  
 神鳳翔瓊林  
 天玉乘運征  
 虛輪擲空洞  
 攜提霄中賓  
 敷爛扶晨炁  
 陵梵映朱日  
 飄飄元化內  
 公子命虎符  
 拔滅七祖根  
 瓊書慶雲庭  
 精研道日鮮  
 萬化隨運遷  
 寂然天王太霄瓊書瓊文第四  
 寔景大寂鄉  
 丹霄翼綠輿  
 翳翳九玄化  
 徘徊金羅上  
 三唱朗玄覺  
 金房煥嵯峨  
 玉籟聲何悲  
 羣仙振羽衣  
 握節總萬機  
 遼朗九天扉  
 解衿入瓊幃  
 耀羅煥玉階  
 千景翼靈輝  
 玉輦正徘徊  
 總攝萬神歸  
 窮魂皆仙飛  
 瓊文洞虛微  
 億劫靈不衰  
 乃知妙音希  
 迴風迅瓊輪  
 神公輔帝尊  
 離離開趣門  
 嘯歌慶靈雲  
 五迴道乃分  
 流精何紛紛

左顧見无英  
 履昌度黃籙  
 為我記仙籍  
 清唱運天真  
 帝一鎮靈官  
 相與契何許  
 有日若无期  
 至感棄餘念  
 靈感各有運  
 不驕樂天王太霄瓊書瓊文第五  
 空中生紫煙  
 流明順運迴  
 翼輔虛中景  
 萬帝由其運  
 體結自然秀  
 理化正四維  
 落景乘八煙  
 朝遊西臺館  
 攝板玄國錄  
 桃康定命籍  
 右盼觀白元  
 太一挺命根  
 授我度命文  
 靜思理百關  
 法服飛青裙  
 合會九天端  
 皇華正四圓  
 道從玄中傳  
 至學故多全  
 勢勃翳華宮  
 丹霄映綠房  
 耀雲煥十方  
 莫若九天王  
 舍炁挺虛宮  
 號為象帝宗  
 總統輪空洞  
 夕憇扶桑宮  
 拔度青華童  
 明初保劫功

流盼无崖際  
 飛步誦太霄  
 積思感至寂  
 宿基流餘慶  
 五苦非所履  
 靈嶽非常宅  
 結携九嶺具  
 何為坐器穢  
 化應聲天王太霄瓊書瓊文第六  
 高靈秀空洞  
 握節迴九霄  
 瓊臺耀巖阿  
 靈歌逸幽宮  
 攜契七映房  
 天王正有九  
 洞陽鬱靈標  
 丹華朗朱日  
 仰歎月中漿  
 永保不終劫  
 積思感太空  
 萬化隨運通  
 幽尋元始蹤  
 以致登玄總  
 七祖返南宮  
 結友在太空  
 飛雲是我龍  
 偶景以成雙  
 婆娑待命窮  
 凝炁結朱煙  
 飄飄天帝具  
 紫鳳鬱玉麟  
 蕭條雲上人  
 金羅煥中田  
 飛仙有億千  
 為兆度命年  
 流芳觀兆身  
 九源降液津  
 內外洞虛鮮  
 動得无極淵

形與混合同 遊宴莫能旋

梵寶天王太霄琅書瓊文第七

三晨朗幽夜 流霞耀金日

丹房煥嵯峨 靈香繞瓊室

公子合慶堂 履唱攜帝一

三元混合宮 微言甚幽密

兆欲度命年 靜思勿雜匹

寂若雖雲无 真從空中逸

慶加靡不周 七玄自蒙拔

積福有重基 宿根咸消滅

瓊文有妙章 斯篇慎忘失

存念至靈諱 道降同玄一

梵摩迦夷天王太霄琅書瓊文第八

九玄洞元炁 紫素凌玉霄

靈秀煥金門 神駭茂瓊條

豁落紫虛館 慶雲隨化消

淵響叩靈機 法鼓振太幽

宴景玄晨闌 流迴薄靈飄

匡巒九天外 運駕以道遙

徘徊紫霞峰 容冶玉皇朝

萬劫不俄頃 儵歛二象交

虛庭无稽速 去來順運寥

大化不改度 三晨洞靈標

琅書慶神室 瓊文理清談

合秀自玄挺 反容非華翹

波梨答怒天王太霄琅書瓊文第九

玄炁結九霄 紫虛朗太陽

飛瓊凌華芒 流精凝玉霜

天真乘運迴 薄雲茂玄梁

冥會自相感 丹霄映輕行

幽期高宸府 携契朝玉京

靈化冲漠裏 寥寥冥運彰

流芬翳朱日 迴風迅奇香

煥爛金門上 瓊臺吐玉英

蘭芝盈玄谷 仰咽六位昌

神逸感寂宮 幽思徹洞鄉

執契太霄館 歸真瓊文章

太霄琅書瓊文帝章皆以九玄微辭九天王於空洞之中元始之先玄歌理命遊慶霄庭音句虛微玄中而生神真實訣故著靈篇得

行此道位同九天微思至諱存神念真靈瑞告感自然登晨

凡修此道當以本命八節之日沐浴清齋正中入室東向叩齒九通仰存九天之上九色飛雲流光下映翳藹室堂微呼九天王諱存

念真神便誦太霄琅書瓊文之章九篇一遍以慶霄庭神歡寂室靈感九玄如法九年剋

乘飛景堂變紫晨也

若以九天遊宴下降察行萬仙玄會之日如上清齋各以其時誦詠一遍則九天記名右

別太真九年无虧剋得上仙帝章皆九天元

精所生九天帝王隱書寶名符章玉訣悉表

其中有佩此文九天同真萬靈稽首尊仙術

迎威制天魔出入无方乘雲駕虛遊宴太空

此文微妙萬帝之宗有明此訣即為仙王有

泄輕傳死没九泉殃速七祖同填河源萬劫

之掠宜慎奉行

靈賦志夢慕高真





